

Varios declaracion pero te awe nada ainda di Natalee

ORANJESTAD (AAN)- For di dia cu e hoben Americano Natalee Holloway ta perdi na Aruba a scucha varios version, pero te awe no tin ningun pista oficial pa logra localiza Natalee.

DIARIO ta kere cu autori-

dadnan policial a tuma tur e tipnan cu a worde duna hopi na serio, pero te ainda no tin nada nada concreto.


A base di e tipnan logra tambe a bay na detencion prome di 2 sospechoso cu

awor a resulta cu no tin nada di haber cu e caso.

Despues di varios dia a logra pone man tambe ariba tres hoben cu supuestamente tabata esnan cu a worde mira cu e hoben Natalee pa ultimo

biaha.

E hobennan aki a worde deteni dia 9 di Juni, pero te cu awe cu ta 16 di Juni te ainda nan no a duna ningun version concreto kico a pasa realmente cu Natalee of na unda e ta.



Na prome instante nan version tabata cu nan tres tabata den auto y nan a bay cu e mucha muher Lighthouse y despues nan a bin bahe na Holiday Inn.

A bin resulta cu durante nan detencion a bin sali afor cu e hoben Joran a conta un di e guardianan sospechoso cu ta e rumannan tabata cu e mucha muher pa ultimo biaha ya cu nan a laga e na su cas.

Pero di otro banda un di e rumannan Kalpoe ta conta e otro guardia sospechoso cu ta Joran nan a baha cu e mucha muher banda di Arashi.

Kico a pasa realmente cu e mucha muher Natalee aki, te ainda ta un misterio, pero si por a compronde cu e tresnan aki mester tin algo di sconde pasobra ya nan a duna dos version diferente caba caminda algo no ta cuadra of nan ta scondiendo pa mas persona?

E caso aki sigur tin Aruba mentalmente cansa, tin hendenan cu no por drumi, prensa local ariba bao ta core pa loco tur dia, autoridadnan man na cabez, prensa internacional cu presion ariba Aruba y autoridadnan local y cu e pregunta pa cuanto dia mas?